

7. Den Knechten vnd Mägden an platz eines Edelgesteins / Messing / welches andern Metallen vnderworffen oder vndergelegt wirdt / 1. Pet. 2. Serui subditi estote, &c. Ioseph: Ecce Dominus, &c. auff daß sie aber desto fleissiger iren Herrn dienen / ic. sollen sie an den ewigen lohn gedencken / vnd daß sie Kinder Gottes im reich Gottes sollen genennet werden vnd hören: Euge serue, &c.

<sup>Besiehe
die Leich-
predigen.</sup> 8. Kan allen Ständen gegeben werden zu betrachten das Hew / auff welchem das Christkindlein im Krippelein gelegen. Dann dasselb kan vns erinnern der kürze unsers lebens / weil alles fleisch Hew oder Graß ist / vnd von der hoffart abschrecken. Kan derhalben solches Hew gegeben werden allen in deren Gemütern die hoffart erwachset / wegen ires hohen stammens vnd Adels / den gelehrten vnd wolberedten welche sich wegen iher weisheit / kunst vnd wortredenheit erheben / ic.

<sup>Apoc. 21.
Dieser Stein
hüste zur
Weisheit</sup> Oder den geistlichen kan man schenken ein grünes Edelgestein / Smaragd genent / dañ ob wol alle Christen in tugenten vnd guten Wercken sollen grünen / jedoch sollen die geistlichen in tugenten die weltlichen weit weit übertrifffen / in keiner tugent den weltlichen etwas nachgeben / Ja / wie ein Smaragd andern Steinen die grüne farb mittheilt / also andern Christen mit dem exemplarischen tugentsamen leben die farben der tugenten anztreichen vnd mittheilen.

Den Beichtvättern ein Saphier. Dann wie dessen krafft die Leiber gesundt machen / also müssen die Beichtväter die franken Seelen von den Sünden gesundt machen.

Den Ordenspersonen einen Chrysoprasum, ist ein Edelgestein so beyntag ein golfsarb vnd bey nacht ein fewrige farb hat / vnd kan bedeuten das leben der Ordensleuth so beyntag im Gottesdienst / in den sibentagzeiten / ic, bestechet / vnd deren wort vnd werck sollen alle guldien sein / bey der nacht aber sollen sie ih fewrigs Gebett gen Himmel schicken.

Der Obrigkeit einen Hiacinth / welcher in der tuncelheit tuncel ist / im liecht aber liecht vnd schön / dann also muß die Obrigkeit gegen den bösen sich streng vnd gerecht erzeigen / gegen den frommen vnd gerechten freundlich vnd lieblich.

Den obersten Hauptleuten vnd allen Kriegsoldaten Sardium, welches Edelgestein die forcht vertreibt / beherrschhaft macht / vnd frewd bringt.

Den Schulmeistern Chrysolithum, dessen farb wie Gold ist / dann also soll das leben der Schulmeister einer guldinen farb gleich sein / vnd sie sollen die stralen des Catholischen glaubens vnd eines göttlichen Lebens in die Jugend schiessen vnd eingießen.

Den